



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Observationes in Cap. VI. De Peccatis quæ sunt materia Pœnitentiæ.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

possit peccato, vel relapsus sit; nam relapsio non potest impedire remissionem peccatorum praecedentem, sed dubium gignere circa veritatem poenitentia.

Reg. XLVII. restringi debet, sicut *XLVI.* ad poenitentiam veram; nam falsa, non facit, ut omnia cum gaudio tolerentur.

Reg. XLVIII. *LIX.* & *L.* respiciunt poenitentiam Publicam, qua sola excludebat à Jure exercendi Ordines, per septem annos; à Jure Matrimonium ineuntes, aut Matrimonio utendis; à Jure administrandi negotia Sacerdotalia, &c., cùm completā, regrediendi ad illa.

Exceptio *Quinquagesima* est absurdia, excipit negotia, qua exerceri possunt sine peccato; porrò alia negotia omnibus Fidelibus interdicuntur; itaque nullum est, quod hoc, inter eos ac Poenitentes discriminatur. Titulus, sub quo *Regula XXXVIII.* sequentes colloca-tæ sunt, est insufficiens; nam promittit solum id, quod respicit aut denegationem, aut impositionem poenitentia; Regula autem de pluribus aliis rebus loquuntur; nempe Confessione, Absolutione & Satisfactione, quarum prima & secunda obscurè designantur per verbum *Poenitentia*, quod vulgo significat satisfactionem, aut præceptam per Canones, aut injunctam per Confessarios, quæ, aut publica est, aut occulta. Inter Textus laudatos in Regulis, multi abrogati sunt: tales sunt 1. omnes qui Poenitentiam denegari jubent quibusdam Peccatoribus qualibet signa poenitentia edidissent. Nulla sunt hodie peccata, quorum Absolu-tio denegetur, iis, qui sufficietes poenitentia notas emitunt. 2. Qui Poenitentia durationem ad certum annorum numerum circumscribunt, cum certis exer-citationibus specialibus, difficilibus, ac laboriosis. 3. Ii, qui à Poenitentiâ excludunt personas, quæ, post eam semel peractam, lapse erant in eadem, vel in alia atrocia peccata. Secundus est de Canonibus, qui Absolutionem Impoenitentibus denegari præcipiunt, & loquuntur de signis, sive actibus, per quos illi dignoscuntur, & de iis, qui docent, durationem satisfactionis durationi peccati, & gravitatem illius, hujus gravitati proportionandas esse, necnon, in satisfactionis impositione, rationem habendam esse. Contritionis, illam minuendam, aut augendam, prout major aut minor est Contritio, juxta veterem Disci-plinam, quæ Poenitentiam prorogabat erga Poenitentes negligentes, & contrahebat erga ferventes,

OBSERVATIONES IN CAP. VI. DE PECCATIS QUE SUNT MATERIA POENITENTIAE.

Ordo hujus Capitis rectus est; nempe, definitio, divisio, collatio peccatorum inter se, eorum causa, eorum subjectum, effectus, species, eorum correctio & punitio: sed res eadē sub variis nominibus recurrent; nam Divisiones & species idem sunt; cùm haec sint membra Divisionum; causæ ingrediuntur in eo, quod aferit sub Divisionibus & speciebus; nam pro causis peccatorum assignat suggestionem, delectationem & consensem, quæ sunt varia genera aut species peccati. *Can. 71.* *Dist. I. de Pœnit.* *Can. 21.* *Dist. II. ibid.* quos Autor laudat loquendo de Divisionibus *Quæst. II.* Poenit., ad effectus perti-nent: *Unicum* verbum circa causas profert: circa subjectum, indicat solum Textus, qui loquuntur de peccati definitione: *Gratiani* verba laudat pro Textu, ea vocando *Can. I. CAU. XV. Quæst. I.* In Divisionibus, omittit Divisionem in peccata Omis-sionis, & peccata Actionis. *Quatuor* species peccatorum, de quibus loquitur *Reg. II.* eadē sunt, ac tres, quæ referuntur *Reg. III.* nempe, Cogita-tio, cui consensus datus est; Actio, & Habitus. Cùm peccata voluntatis opponuntur delictis infirmitatis, aut fragilitatis, malitia, intelligitur per voluntatem. Divisione haec est eadem, ac Divisio in peccata cernis & peccata animæ. Quod dicitur in *Reg. I. Quæst. III.* magnitudinem peccati aestimari ex qualitate personæ;

non est verum, nisi triplici in casu. *Primus:* cùm mutat speciem, v. gr. 1. in Impuritate, qualitas Cognati, quæ præter hoc, peccatum aggravat ratio-ne proximitatis; Ordo Sacer, Votum Solemne Ca-fitatis. 2. In homicidio, proximitas Cognitionis, Pater, Frater, Mater, Soror, Superioritas Regis, Magistratus, Domini, unio intima Mariti atque Uxo-ris.

Secundus Casus est: cùm aggravat peccatum, aut ratione ingratitudinis adversus Deum, à quo Su-periores magis acceperunt, quam Inferiores; aut ra-tione scandali, quod gignitur erga Inferiorem, per peccatum Superioris. Quod de Personâ dictum fuit, locum habet in *Re*, cuius qualitas interdūm speciem mutat, aut culpam aggravat; sicut in latrocino, si bonum sit Sacrum, aut in Loco Sacro, vel publicum, vel pertineat ad Dominum, cui servitum præstatur, quibus in casibus latrociniū est diversæ speciei, Pri-ma est Sacrelegium, Secunda, Peculatus, Tertia, fur-tum Domesticum.

Quod dicitur *Reg. II.* Fornicationem esse peccato-rum majus post Hæresim, falso est, & *Can. 15. CAU. XXXII. Quæst. VII.* laudatus, id non dicit. De Ju-mento dicitur in *Reg. III. & IV.* quod Perjurio conve-nit; nam Juramentum per Creaturas, aut per Creato-rem, non est peccatum, nihilmagis, quam Juramen-tum per Evangelia, aut per Deum.

Reg. I. Quæst. V. expositione indiget, & intelligenda est de iis, qui nati ex Deo, agunt per Spiritum, quem in suâ nativitate acceperunt.

Quod legitur in *Regula I. Quæst. VI.* quemlibet Peccatorem esse extrâ Ecclesiâ; falso est: nam peccata, quæ hunc effectum operantur, alia non sunt, quam peccata contrâ Fidem, quæ illius est aditus; vel contrâ unitatem Ecclesie, per cuius amorem in illâ manetur, vel quibus Excommunicatio annexa est. *Can. 70. Dist. I. de Pœnit.* laudatus, loquitur de Ecclesiâ, quæ est sine macula & rugâ, quod soli Triumphantii con-venit, ad quam Peccator, nisi anteuerit Sanctus, pertainere non potest. Idem est quoad falsitatem, de eo, quod dicit secunda, Relapsum bona opera præ-dentia interimere. Nam illa tantum exponit periculo pereundi, posita perseverantia in peccato.

QUAESTIO VII.

Autor Infidelitatem ceteris peccatorum speciebus præmitit, & de hoc peccato interpretatur haec verba, quod non est ex fide peccatum est, accipiendo hoc verbum, *Fides*, pro virtute Theologali, qua illo no-mine designatur. Quamvis S. PAULUS illud adhibeat, ad significandum *Judicium*, seu dictamen *Conscientia*.

Cum dicitur *Reg. II.* peccatum est jurare per Crea-turas; forte intelligitur Juramentum, quod fieret ad illas honorandas, earum testimonium, quasi Divi-nites essent, invocando; non vero Juramentum, quod fit in honorem ejus, qui eas condidit, & quem re-præsentant, agnoscendo, eum esse Cordium Scruta-torem.

Exceptiones V. quæ dicunt, Mendacium esse pecca-tum, falsæ sunt, aut argumento non congruae; hinc enim Mendacium malum est per seipsum; itaque nullus est Casus, in quo permitti possit, unde *Can. 14. CAU. XXII. Quæst. II.* de Mendacijs jocosis, & de officiosis, quæ sola licita videri possent, expresse dicit, illâ culpâ non vacare, desumptus est è S. AUGUSTINO. Vid. §. *Duo sunt*, qui ostendit, Autorem eum laudare non debuisse, ut Mendacium jocosum excusaret; damnat quoque Mendacium, quod dicitur sine dolo malo; nam Mendacium officiosum hoc dolo vacat. Autor illius imme-rito excusat in *Except. I.* sicut excusat aliud in *Secunda*: Aliunde *Quarta* non convenit argumento; nam Patri-nus, qui Infantem ad Baptismum præsentat, non men-titur, cùm respondeat, Infantem credere; cùm hic ha-beat Fidem Ecclesie, in cuius personâ credit.

Reg. VI. nimis generalis est: nam, si aliquis sit casus, in quo

in quo non peccatur, servando Juramentum illicitum, ut plurimum illud impleri nequit sine peccato. Tales sunt omnes Casus, in quibus Juramentum iniquum est, ob læsionem Dei, aut proximi. Idem est de Reg. X. quæ dicit, errore & ignorantia non esse peccata: hoc enim falsum est, quod omnes Casus, in quibus error & ignorantia sunt vincibilis, & resipicunt id, quod sciri debet; tunc enim voluntariae sunt, & Officio contrariae.

QUEST. VIII. CORRECTIO seu PUNTO PECCATORUM.

Propositum Regulæ, punienda esse peccata, Decem Casus excipit, qui reducuntur ad Quatuor generales. Primum est eorum, in quibus non est peccatum, sive quia remissum fuit, sive factum, vel per errorem, seu ignorantiam invincibilem, aut per metum cadentem in virtutem constantem. Secundum est eorum, in quibus peccata juridice non sunt probata, deficientibus Accusatore, vel Judice competente, vel probationibus sufficientibus. Tertium eorum, in quibus punitio congrua non foret, ratione aliquarum circumstantiarum; puta, periculi labefactandæ pacis Ecclesiasticae propter multitudinem Sontium, vel suspicionis adversus Judicem, qui, si laesus fuisset, Judex & Pars simul esset.

Quartum est eorum, in quibus punitio solum immunit debet, ratione circumstantiarum, qua peccatum minuit, velut error, ignorantia levis, metus levis, aut mediocris, docilitas Rei.

Reliquæ Regulæ alia non indigent observatione, nisi Secundam & Quartam affinitatem habere, cum Exceptione I. & II. REG. I. nam respiciunt peccata multitudinis.

OBSERVATIONES in CAP. VII. de ELEEMOSINA JEJUNIO, & MARTYRIO.

Connectere potuisset hoc Caput præcedenti, dividendo, opera, de quibus disputaturus est, ex iis esse, quæ Confessarius imponere potest penitentiam vice, & quæ Pœnitentia fibi in eundem finem impone debet, ad suffundendum id, quod deest penitentiam à Confessario præcepta: nullam tradit Regulam circa Martyrium, cuius fit mentio in Inscriptione.

Eleemosina accommodare potuisset omnes Textus loquentes de Misericordia, quæ omnibus Proximi necessitatibus spiritualibus & corporalibus subvenit; vid. Can. 10. 11. 12. 13. DIST. XLV.

Divisio, de quâ agitur in REG. I. non est justa; nam Tertium Membrum includitur in Secundo; quippe, corrigere delinquentes, reducere devios, pertinent ad Eleemosinam spiritualem, sicut remittere injuries; Itaque ad Duo Membra illa reducenda est, nempe Eleemosinam corporalem, & spiritualem, vid. Can. 12. & 13. laudatos.

REG. II. Hoc in loco colligendæ erant omnes species Eleemosinæ, de quibus loquuntur Canones, istique indicandi. Autor loquitur solum de remissione debitorum, quæ est una ex ejus speciebus. Can. 70. 71. 72. CAUS. XII. QUEST. II. laudatus REG. III. legi merentur: loquuntur de causis seu momentis adhibendi ad redemptionem Captivorum & aliorum Pauperum opitulationem, id quod Ecclesia pretiosissimum habet. Can. 10. CAUS. XXXI. QUEST. I. laudatus REG. IV. docet, Viduas, quæ adjuvarî debent, eas esse, quæ Christianam vitam ducunt; quod ad alios Pauperes producendum est.

Verbum Injusti adhibitum in REG. V. est æquivocum significans generatim omnes Peccatores, & speci-aliter eos, qui alios vexant, aut nocent. Can. 11. CAUS. XIV. QUEST. V. loquitur de omnibus Peccatoribus, & dicit, illorum Eleemosinas Deo non placere.

Cap. 2. de Raptor. laudatum REG. VI. loquitur de casu, in quo Usurpator boni profani, aut Ecclesiastici, non restituit, cum poterat, & ratione hujus circumstantiae, prohibet, accipi ejus Eleemosinas à Clericis, qui exemplo suo inspirare debent horrorem ab injustitia, qua bonum opus ex alienâ jacturâ facere studet. Nihilominus videtur, quod, si Eleemosinas erogaret Clericis Ecclesiarum, quarum bona invasisset, illæ accipienda essent velut restitutio.

REG. VII. restringenda est ad Eleemosinas, quæ fiunt ad Altare; sin minus; illa severior foret: cum prohibeat accipi Eleemosinas Excommunicatorum, qui hac in re durius tractarentur, quam Infideles, quarum Eleemosina accipi possunt. Can. 3. CAUS. XXIV. QUEST. II. laudatus ibid. id insinuat; sed facili cogitum Cap. 54. de Sent. Excomm. huic expositioni contrarium videri.

Textus laudati in REG. VIII. non loquuntur de luctis turpibus, non tamen injustis, qualis est quæstus Scenorum, Astrologorum, Meretricum, Concupinarum; sed de inquis acquisitionibus, provenientibus è Furto, Latrocino, Rapinâ, Concussione, Simonia, Usurâ. Textus hi sunt Can. 27. CAUS. I. QUEST. I. & plerique Can. QUEST. V. CAUS. XIV. Can. 14. ibid. nimis generalis est. Additio Gratiani nostra distinctioni consonat. Idem est de eo, quod legitur in fine Can. 15. nempe Officiales Magistratum accipere pecuniam ab utraque Parte, quamvis nihil ipsis debatur, & talem Confuetuinem tolerari; eos verò, cum pietati magis se devoverint, ex bonis sic partis, tanquam ad se pertinentibus, Eleemosinas facere.

Can. 19. DIST. III. de Pœnit. laudatus REG. IX. dicit, miserendum esse sui ipsius, & misericordiam erga seipsum exercendam esse, priusquam erga alios; hinc Autor concludit Pœnitentiam Eleemosinæ præmittendam esse. Aliquantulum immorati sumus circa Regulas de Eleemosinâ, quoniam omnes circa proxim versantur. Nihil diximus de defectu ordinis, qui levior est.

Lóquendo de Jejunio, Autor colligere debuisset id, quod Jejunio commune est; sive naturali, in abstinentia ab omni cibo consistenti, quodque Communioni peculiare est; sive aliis quibuslibet, quorum aliud consistit in abstinentiâ à Carnibus, ideoque vocatur Semijejunium: talis est abstinentia dierum Veneris & Sabbati, S. Marci, Rogationum: aliud, huic abstinentia adjicit unitatem prandii: item, observare eorum effectus generales. Item, loqui debuisset de actibus aliis, quam Communio, qui fieri debent à Jejunis; puta, Jusjurandum; Administratio & Recepitio Confirmationis.

Loqui debuisset de Diebus, in quibus Jejunium prohibetur; nempe, Dominica, Natali Domini, Feria 5. Hebdomadæ Sanctæ: & observare, Diem hunc à Jejunio non esse hodie immunem. Loquendo de Diebus abstinentiæ, observare debuisset, omnes particularitates hujus Jejunii; idemque facere, loquendo de aliis Jejunii diebus. Omisit loqui de Vigilia Assumptionis, cum loquutus est de Vigilia Apostolorum. Jejunium Vigilia Pentecostes hodie non est devotionis, ut dicit Autor, sed obligationis.

Regula, quam sequimur hodie circa Septimanam, in quâ celebratur Jejunium Quatuor Temporum, his verbis continetur, post Pen. Crux, Lux, Cineres, id est, Septimanæ post Pentecosten, post Exaltationem S. Crucis, post S. Lucianæ, & post Cineres: itaque REG. VII. exolevit. Vitia hæc, & quedam alia vivimus in REGULIS nostris circa Jejunium. Iis, quæ dicit de Jejunio spirituali, sive à peccato, REG. XXII. adjicere debuisset, illud comitari debere Jejunium materiale.